



NOTULE VAN 'N VERGADERING VAN DIE UITVOERENDE BURGEMEESTERSKOMITEE GEHOU IN DIE RAADSAAL, MALMESBURY OP DONDERDAG, 16 OKTOBER 2025 OM 15:00

TEENWOORDIG:

Uitvoerende Burgemeester, rdh J H Cleophas (voorsitter)
Uitvoerende Onderburgemeester, rdd J M de Beer

Lede van die Burgemeesterskomitee:

Rdl D G Bess
Rdl N Smit
Rdh T van Essen
Rdl A K Warnick

Beampes:

Munisipale Bestuurder, mnr J J Scholtz
Direkteur: Finansiële Dienste, mnr M Bolton
Direkteur: Siviele Ingenieursdienste, mnr L D Zikmann
Direkteur: Elektriese Ingenieursdienste, mnr T Möller
Direkteur: Beskermingsdienste, mnr H Witbooi
Direkteur: Ontwikkelingsdienste, me J S Krieger
Direkteur: Korporatiewe Dienste, me M S Terblanche
Bestuurder: Sekretriaat en Rekordsdienste, me N Brand

1. OPENING

Die voorsitter verwelkom lede en versoek rdl A K Warnick om die vergadering met gebed te open.

2. VERLOF TOT AFWESIGHEID

Kennis geneem van die verskoning ontvang vanaf die Speaker, rdh M A Rangasamy.

3. VOORLEGGINGS/AFVAARDIGINGS/SPREEKBEURTE

3.1 CIGFARO JAARLIKSE KONFERENSIE: TOEKENNING AAN DIE DIREKTEUR: FINANSIËLE DIENSTE

Die voorsitter wens die Direkteur: Finansiële Dienste geluk met die toekenning wat hy ontvang het by CIGFARO (*Chartered Institute of Government Finance, Audit & Risk Officers*) se jaarlikse konferensie vir sy bydrae tot volhoubare finansiële bestuur by die munisipaliteite waarby hy oor die afgelope 10 jaar betrokke was.

VIR KENNISNAME

3.2 TOUGHEST FIRE FIGHTER ALIVE-KOMPETISIE: SWARTLAND MUNISIPALITEIT, BRANDWEERDIENSTE

Mnr J Marais gee agtergrond tot die *International Toughest Fire Fighter Alive*-kompetisie wat onlangs in George plaasgevind het. Mnr Marais noem dat die kompetisie elke twee jaar plaasvind, en dat Swartland Munisipaliteit besluit het om 'n brandweerspan in te skryf.

Mnr Marais/...

3.2/...

Mnr Marais verduidelik die formaat van die kompetisie waaraan 43 spanne, ook vanaf Botswana en Namibië, deelgeneem het. Dit is die eerste keer dat Swartland Munisipaliteit se brandweerspan deelneem en is 'n 12de plek behaal wat as 'n groot prestasie beskou word.

Mnr Marais noem dat daar vroegtydig met voorbereiding begin sal word om aan die volgende kompetisie deel te neem, aangesien dit baie straf is en nie verniet die "Toughest Fire Fighter Alive" genoem word nie.

Rdl D G Bess wens die brandweerspan geluk met die prestasie en noem dat Swartland Munisipaliteit baie trots kan wees.

VIR KENNISNAME

4. NOTULES

4.1 NOTULE VAN 'N GEWONE VERGADERING VAN DIE UITVOERENDE BURGE-MEESTERSKOMITEE GEHOU OP 17 SEPTEMBER 2025

BESLUIT

(op voorstel van rdl N Smit, gesekondeer deur rdl A K Warnick)

Dat die notule van 'n Gewone Uitvoerende Burgemeesterskomiteevergadering gehou op 17 September 2025 goedgekeur en deur die Uitvoerende Burgemeester onderteken word.

5. OORWEGING VAN AANBEVELINGS UIT DIE NOTULES

5.1 NOTULE VAN PORTEFEULJEKOMITEESVERGADERINGS GEHOU OP 8 OKTOBER 2025

5.1.1 MUNISIPALE BESTUUR, ADMINISTRASIE EN FINANSIES (7/1/2/2-1)

BESLUIT

(op voorstel van rdh T van Essen, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

5.1.2 SIVIELE EN ELEKTRIESE DIENSTE (7/1/2/2-4)

BESLUIT

(op voorstel van rdh T van Essen, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

5.1.3 ONTWIKKELINGSDIENSTE (7/1/2/2-5)

BESLUIT

(op voorstel van rdh T van Essen, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

5.1.4 BESKERMINGSDIENSTE (7/1/2/2-3)

BESLUIT

(op voorstel van rdh T van Essen, gesekondeer deur rdl D G Bess)

Dat die Uitvoerende Burgemeester die aanbevelings in die betrokke notule bekragtig.

6./...

6. SAKE VOORTSPRUITEND UIT DIE NOTULES

Geen.

7. NUWE SAKE

7.1 MOONTLIKE IMPLEMENTERING VAN DIE WET OP DIE ADMINISTRATIEWE BEOORDELING VAN PADVERKEERSOORTREDINGS (AARTO) BINNE DIE SWARTLAND MUNISIPALITEIT (2/1/4/4/1)

Die Munisipale Bestuurder gee agtergrond tot die vergadering wat insake AARTO op datum plaasgevind het en bevestig dat x7 munisipaliteite teen 1 Desember 2025 AARTO moet implementeer en die res teen 1 April 2026.

Die Munisipale Bestuurder beklemtoon die kwelpunte wat deur munisipaliteite op die tafel geplaas is, onder andere, die afkondiging in Augustus 2025 insake die implementering van AARTO (buite die begrotingsiklus van munisipaliteite, m.a.w. daar is geen begroting vir implementering), die betrokkenheid van die Poskantoor (wat onder besigheidsredding is), die verlies aan inkomste, ens.

Die Munisipale Bestuurder noem dat Kaapstad in proses is om 'n inter-regeringsdispuut te verklaar, met verwysing na korrespondensie/rekords tussen die Padverkeersoortredingsagentskap (RTIA) en lg. se mededeling dat sommige munisipaliteite reeds hul gereedheid vir implementering van AARTO te kenne gegee het. Daar was ook geen konsultasie met SALGA nie, en kan daar nie gesteun word op die gebrekkige publieke deelname wat in 2020 gevolg is nie. Stad Kaapstad sal dus poog om 'n interdik te bekom om die implementeringsdatum van 1 Desember 2025 ten minste na 1 Julie 2026 uit te stel.

Die Munisipale Bestuurder verwys verder na die agt aspekte wat in plek moet wees om AARTO te implementeer, naamlik:

- (1) *Available Budget for AARTO implementation;*
- (2) *AARTO equipment for back-office processes;*
- (3) *AARTO stationery;*
- (4) *Training and registering of staff;*
- (5) *Non availability of new Regulations and Standard Operation Procedures (SOP's);*
- (6) *Readiness of South African Post Office;*
- (7) *Access to upload notices from Hand Held Device;*
- (8) *Readiness of RTIA and Road Traffic Management Corporation;*

BESLUIT

(op voorstel van rdl A K Warnick, gesekondeer deur rdh T van Essen)

- (a) Dat kennis geneem word dat 'n hersiene konsep-diensvlakoooreenkoms, wat tussen die Munisipaliteit en die Suid-Afrikaanse Poskantoor (SAPO) gesluit moet word, op 26 Januarie 2024 van die Padverkeersoortredingsagentskap (RTIA) ontvang is;
- (b) Dat daar van die volgende bekommernisse met betrekking tot die konsep-diensvlakoooreenkoms wat met SAPO gesluit moet word, kennis van geneem word, naamlik:
 - (i) Dat verskeie verpligtinge rakende die verwerking van data op die RTIA geplaas word, wat nie 'n party tot die ooreenkoms is nie. Die afdwingbaarheid daarvan is dus nie moontlik nie, en die Munisipaliteit sal geen regsmiddel hê in geval van wanprestasie deur die RTIA nie;
 - (ii) Dat geen voorsiening gemaak word vir 'n rekonsiliasie van oortredingskennisgewings wat deur die uitreikingsowerheid uitgereik en deur die RTIA aan SAPO gestuur word, en die betaling van enige bedrae wat aan die uitreikingsowerheid verskuldig is nie. Dit kan moontlik lei tot die verlies van inkomste vir die Munisipaliteit en wanbestuur van fondse;
 - (iii) Dat kennis geneem word dat die Munisipaliteit slegs 'n kwartaallikse verslag oor die opsporingsresultate van kennisgewings wat deur SAPO gestuur is, sal ontvang;

7.1(b)/...

- (iv) Dat daar kennis geneem word dat die konsep diensvlakoorreenskoms slegs na 'n aanvangsdatum verwys soos ooreengekom tussen die partye, sonder enige aanduiding oor hoe hierdie ooreenskoms bereik sal word;
 - (v) Dat daar kennis geneem word dat die Wet op Plaaslike Regering: Munisipale Finansiële Bestuurswet nagekom moet word met betrekking tot geskille rakende betalings en die sluiting van enige ooreenskoms;
 - (vi) Dat daar met kommer kennis geneem word dat die konsep-diensvlakoorreenskoms van die Munisipaliteit vereis om 'n rekening by SAPO te open, onderhewig aan die bepalings en voorwaardes van die rekeningaansoek, en geen afskrif van sodanige bepalings en voorwaardes is voorsien nie;
 - (vii) Dat daar kennis geneem word dat die konsep-diensvlakoorreenskoms verder vereis dat die Munisipaliteit 'n deposito van minstens drie (3) maande se gebruikskoste vooruit moet hê, wat teenstrydig is met die MFMA;
 - (viii) Dat daar kennis geneem word dat die konsep-diensvlakoorreenskoms verskeie foute bevat, byvoorbeeld onvolledige definisies, teenstrydighede tussen die hoofoorreenskoms en die bylaes of ander paragrawe in die ooreenskoms, foute in kruisverwysings en numeriese foute;
 - (ix) Dat die Munisipaliteit 'n bekommernis het oor die vermoë van SAPO om aan 'n ooreenskoms van hierdie aard en omvang te voldoen, en sorg gedra moet word dat so 'n ooreenskoms nie misbruik word as 'n besigheidsreddingsmeganisme vir SAPO nie;
 - (x) Dat die konsep-diensvlakoorreenskoms verskeie bepalings bevat wat SAPO beskerm teen die uitvoering van sy pligte tydens stakings of besigheidsreddingsprosesse, wat sal veroorsaak dat kennisgewings nie binne die voorgeskrewe tydramwerke gestuur word nie, sonder enige regsmiddel vir die Munisipaliteit vir die gepaardgaande inkomsteverlies;
- (c) Dat na bepaling aan watter van die agt aspekte voldoen of nie-voldoen word nie, en gebaseer op die nie-gereedheid om AARTO te kan implementeer, daar om uitstel aansoek gedoen word om saam met die volgende groep munisipaliteite vir implementering in te skakel, deurdat Swartland Munisipaliteit nie gereed is vir implementering nie, hoofsaaklik weens:
- (i) gebrek aan begroting omdat die afkondiging midde in 'n finansiële jaar (Augustus 2025) gedoen is, en daar nie voor begroot kon word nie;
 - (ii) die "back office" nog nie gereed is nie;
 - (iii) die nie-beskikbaarheid van Regulasies en enige SOP (*Standard Operating Procedures*); en
 - (iv) die SA Poskantoor wat nie funksioneel is nie en wat tans in sakeredding is;
- (d) Dat die Munisipale Bestuurder met volmag beklee word om 'n brief aan die RTIA te stuur waarin die Munisipaliteit se bekommernisse uitgelig word en waarin dit meegedeel word dat die Munisipaliteit, weens die onsekerhede, nie in staat sal wees om AARTO te implementeer voordat al die aangehaalde bekommernisse aangespreek is nie, dat geen diensvlakoorreenskoms rakende AARTO aangegaan sal word totdat daar duidelikheid oor die uitstaande sake verkry is nie en dat die Munisipaliteit nie bereid is om 'n diensvlakoorreenskoms met SAPO te onderteken nie weens die teenstrydigheid met die MFMA.

7.2 KWARTAAL 1: EKONOMIESE ONTWIKKELINGSVERSLAG (2/1/4/5)

Die verslag het ten doel om te rapporteer op die implementering van die Munisipaliteit se Ekonomiese Ontwikkelingsplan, ingesluit aktiwiteite om klein besighede te ondersteun, om implementeringsgereed te wees vir investering en om strategiese infrastruktuurprojekte te fasiliteer.

7.2/...

Die Munisipale Bestuurder noem dat 'n Ekonomiese Ontwikkelingsforum gestig is en dat daar ook verteenwoordiging vanaf Siviele- en Elektriese Ingenieursdienste versoek sal word.

BESLUIT

(op voorstel van rdl D G Bess, gesekondeer deur rdd J M de Beer)

- (a) Dat kennis geneem word van die Ekonomiese Ontwikkelingsverslag vir Kwartaal 1 (periode 1 Julie 2025 tot 30 September 2025);
- (b) Dat rdl N Smit aangewys word om op die Plaaslike Ekonomiese Ontwikkelingsforum te dien.

7.3 KWARTAALVERSLAG INSAKE DIE PRESTASIE VAN KONTRAKTEURS (8/1/B/1)

Die verslag ten opsigte van die kwartaallikse prestasie-evaluering van kontrakteurs wat ingevolge die Voorsieningkanaalbestuursbeleid aangestel is, word voorgelê ter voldoening aan artikel 116(2) van die MFMA en die kernprestasië-indikator van die Munisipale Bestuurder.

BESLUIT

Dat kennis geneem word van die kwartaalverslag ten opsigte van die Prestasie van Kontrakteurs vir die periode 1 Julie 2025 tot 30 September 2025.

7.4 VERSLAG INSAKE DIE IMPLEMENTERING VAN DIE VOORSIENINGKANAAL-BESTUURSBELEID VIR DIE PERIODE 1 JULIE 2025 TOT 30 SEPTEMBER 2025 (8/1/B/2)

'n Verslag insake die implementering van die Voorsieningkanaalbestuursbeleid moet op 'n kwartaallikse basis ingevolge paragraaf 6(3) van die Munisipale Voorsieningkanaalbestuursregulasies aan die Uitvoerende Burgemeester voorgelê word.

Die verslag vir die periode 1 Julie 2025 tot 30 September 2025 is met die sakelys gesirkuleer.

Die Munisipale Bestuurder verwys na die aantal tenders (ten bedrae van R68 516 682.30) wat reeds tot en met 30 September 2025 toegeken is, wat 'n aanduiding is van die gereedheid om so vroeg as moontlik die nuwe begroting te implementeer.

BESLUIT

- (a) Dat kennis geneem word van die Kwartaalverslag ten opsigte van die implementering van die Voorsieningskanaalbestuursbeleid soos beoog deur artikel 6(3) van die Regulasies, sowel as verslae van die Formele Tenders (Bylae A), Informele Tenders (Bylae B), en die Afwykingsverslag (Bylae C & C.1);
- (b) Dat kennis geneem word van die dienste gelewer vir die tydperk 1 Julie 2025 tot 30 September 2025 met verwysing na die uitsonderings waar dit onprakties is om die mark te toets en dus 'n afwyking van die verkrygingsprosesse ingevolge paragraaf 2(6) van die Voorsieningskettlingbestuurbeleid (Bylae D).

7.5 KLIPKOPPIE SON AANLEG VORDERINGSVERSLAG (12/2/4-8/5)

Die Direkteur: Elektriese Ingenieursdienste bevestig dat die item voor die Portefeuljekomitee: Siviele en Elektriese Dienste op 8 Oktober 2025 gedien het vir voorlegging aan die Uitvoerende Burgemeesterskomitee.

Die Raad het in Mei 2023 goedkeuring verleen dat 'n gedeelte van die Klipkoppie, Malmesbury beskikbaar gestel word aan 'n onafhanklike energieverkaffer vir die vestiging van 'n Son Aanleg.

Die inisiatief/...

7.5/...

Die inisiatief word ondersteun deur die Wes-Kaapse Departement van Infrastruktuur (DOI) en het Ig. 'n taakspan saamgestel bestaande uit Deloitte, Weber Wentzel en WSP Ingenieurs (teen geen koste vir die Munisipaliteit) om behulpsaam te wees in die opstel van spesifikasies en tersaaklike dokumente/ooreenkoms om 'n onafhanklike energieverkaffer aan te stel.

BESLUIT

Dat die Uitvoerende Burgemeesterskomitee kennis neem van die vorderingsverslag ter ondersteuning van die voorgestelde stappe/program wat gevolg sal word vir die vestiging van 'n Son Aanleg op die Klipkoppie.

7.6 MEMORANDUM VAN VERSTANDHOUDING MET DIE WES-KAAPSE REGERING: SUSTAINABLE INFRASTRUCTURE DEVELOPMENT AND FINANCIAL FACILITY (SIDAFF) (5/9/2/7)

Die Direkteur: Siviele Ingenieursdienste noem dat Swartland Munisipaliteit as een van die top presterende munisipaliteite die geleentheid gebied was om deel te neem aan die SIDAFF (*Sustainable Infrastructure Development and Financial Facility*)-program.

Die SIDAFF-fasiliteit fokus op water- en sanitasieprojekte en word die projekte van geselekteerde munisipaliteite in een portefeulje saamgevoeg om toegang tot meer gunstige finansiering (plaaslik en internasionaal), toekennings en ander fondse te verkry.

Die Direkteur: Siviele Ingenieursdienste noem verder dat die SIDAFF-fasiliteit inskakel by die poging van die Munisipaliteit om BFI (*Budget Facility for Infrastructure*)-befondsing te bekom vir grootskaalse waterinfrastruktuurprojekte.

Die Direkteur: Siviele Ingenieursdienste bevestig dat die Departement van Plaaslike Regering die Munisipaliteit in kennis gestel het dat Zutari die voorkeurtenderaar is vir die opgradering van die Swartland Watersuiweringswerke en grootmaat-pyplyn onder die SIDAFF-program. Zutari is bekend aan die Munisipaliteit en is betrokke by detail ontwerpe en ondersoeke m.b.t. die grootmaat waternetwerkstelsel (ingesluit watersuiweringswerke).

BESLUIT

(op voorstel van rdh T van Essen, gesekondeer deur rdd J M de Beer)

- (a) Dat die volgende deur die Raad gemagtig word met betrekking tot die SIDAFF-program:
 - (i) Die aangaan van langtermynskuld wat verder strek as die huidige politieke termyn (5-jaar verkiesingsiklus), in ooreenstemming met Artikel 46 van die MFMA;
 - (ii) Deelname aan 'n gesamentlike, inter-munisipaal gepoolde/gemengde finansierings-benadering onder die SIDAFF-program, onderhewig aan behoorlike sorgvuldigheid, bekostigbaarheid en regulatoriese nakoming;
 - (iii) Die Munisipaliteit onderneem om 'n gesertifiseerde afskrif van die ondertekende Raadsbesluit by die Departement van Plaaslike Regering, Wes-Kaapse Regering, in te dien vir insluiting as Aangangsel A by hierdie MoU. Die Munisipaliteit erken verder dat sy deelname aan die SIDAFF-program Fase 3 voorwaardelik is op die indiening van hierdie gesertifiseerde besluit binne 30 dae na ondertekening van die MoU;
- (b) Dat kennis geneem word dat Zutari die voorkeurtenderaar is vir die opgradering van die Swartland Watersuiweringswerke en grootmaat-pyplyn onder die SIDAFF-program.

7.7/...

7.7 AANVAARDING VAN DEVOLUSIE VAN PROVINSIALE BEHUISINGSEIENDOM: ERF 2632, MALMESBURY (12/2/2-8/1)

'n Skrywe is ontvang vanaf die Wes-Kaapse Departement van Infrastruktuur (DoI) waarin die Munisipaliteit in kennis gestel word van die eiendom in Ravenstraat, Erf 2632, Malmesbury wat vir devolusie geïdentifiseer is ingevolge die betrokke wetgewing.

Die verslag tot die sakelys bevat die administratiewe aksies wat gevolg moet word om die devolusie te laat realiseer teen die sperdatum van 31 Maart 2027.

BESLUIT

- (a) Dat kennis geneem word van die agtergrond en statutêre raamwerk rakende die devolusie van Erf 2632, Malmesbury;
- (b) Dat die beginsel-aanvaarding van die eiendom se devolusie vanaf die Wes-Kaapse Departement van Infrastruktuur bekragtig word;
- (c) Dat die Munisipale Bestuurder (of sy genomineerde) gemagtig word om:
 - (i) die Munisipaliteit se geskrewe reaksie aan die Departement van Infrastruktuur teen 17 Oktober 2025 in te dien, waarin die aanvaarding van die voorgestelde devolusie bevestig word;
 - (ii) met die Departement van Infrastruktuur en die Staatsprokureur te skakel ten einde alle regs- en administratiewe stappe af te handel; en
 - (iii) die finale Transportakte en Devolusiesertifikaat vir formele goedkeuring aan die Raad voor te lê, waarna die eiendom in die Munisipale Bateregister opgeneem en as deel van die Munisipaliteit se behuisings- en bateportefeulje bestuur sal word.

7.8 VOORGESTELDE VERHURING VAN 'N SKEEPSVRAGHOUER EN VOORAFVERVAARDIGDE STRUKTUUR GELEë OP 'N GEDEELTE VAN ERF 213, DARLINGWEG AAN ABBOTSDALE SPORTMAN FLYING CLUB (17/9/2/2-3)

[Die item word terug verwys.]

7.9 UITSTAANDE DEBITEURE: SEPTEMBER 2025 (5/7/1/1)

'n Volledige verslag van die stand van uitstaande debiteure is met die sakelys gesirkuleer.

BESLUIT

(op voorstel van rdl N Smit, gesekondeer deur rdl A K Warnick)

Dat kennis geneem word van die verslag aangaande die stand van Swartland Munisipaliteit se uitstaande debiteure vir September 2025.

7.10 VORDERING MET UITSTAANDE VERSEKERINGSEISE (5/14/3/5)

Ingevolge die Batebestuursbeleid moet maandeliks verslag gedoen word insake die uitstaande versekeringseise.

BESLUIT

Dat kennis geneem word van die stand van uitstaande versekeringseise tot en met 30 September 2025 soos met die sakelys gesirkuleer.

7.11 AFWYKING VAN VOORGESKREWE VERKRYGINGSPROSEDURES: HERSTEL-WERK, UD 85 NISSAN, CK 14865 (8/1/B/2)

Die vragmotor, CK 14865, word in die Straat- en Stormwaterafdeling in Darling aangewend. Die vragmotor het nie die padwaardigheidstoets geslaag nie en is na UD Trucks Malmesbury gestuur vir 'n kwotasie en herstelwerk.

Besluit/...

7.11/...

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die uitlaatremstelsel aan CK 14865 (UD 85 Nissan) deur UD Trucks ten bedrae van R38 694.09 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks die gemagtigde agent van Nissan-voertuie is;
- (d) Dat die uitgawe ten bedrae van R38 694.09 (BTW uitgesluit) teen posnommer 9/4-43-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.12 AFWYKING VAN VOORGESKREWE VERKRYGINGSPROSEDURES: HERSTELWERK, KOMPAKTEERVFRAGMOTOR, CK 44823 (8/1/B/2)

Die kompakteervragmotor, CK 44823, word aangewend vir vullisverwydering in Darling en Yzerfontein. 'n Probleem is met die vragmotor se 3de en 4de rat ondervind en is die voertuig na HD Transmissions gestuur vir 'n kwotasie en herstelwerk.

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die transmissie van die kompakteervragmotor, CK 44823 (UD 330 Quester) deur HD Transmissions ten bedrae van R38 694.09 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien HD Transmissions die gemagtigde agent van Allison Transmission in die Wes-Kaap is;
- (d) Dat die uitgawe ten bedrae van R45 352.92 (BTW uitgesluit) teen posnommer 9/4-60-5 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.13 AFWYKING VAN VOORGESKREWE VERKRYGINGSPROSEDURES: DIENS VAN VRAGMOTOR, UD 370FC, CK 12625 (8/1/B/2)

Die vragmotor, CK 12625, word gebruik vir die uitpomp van riooltenke in die Swartland munisipale area en is gestuur na UD Trucks Malmesbury vir 'n geskeduleerde diens van die voertuig.

BESLUIT

- (a) Dat kennis geneem word van die afwyking van die voorgeskrewe verkrygings-prosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die diens van UD 370FC Truck, CK 12625 deur UD Trucks ten bedrae van R41 349.19 (BTW uitgesluit);

7.13/...

- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien UD Trucks, Malmesbury die gemagtigde agent van UD-vragmotors is;
- (d) Dat die uitgawe ten bedrae van R41 349.19 (BTW uitgesluit) teen posnommer 9/4-41-2 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.14 AFWYKING VAN VOORGESKREWE VERKRYGINGSPROSEDURES: HERSTELWERK AAN JCB LAAIGRAAF, CK 45744 (8/1/B/2)

Die JCB Laaigraaf, CK 45744, word in die Waterafdeling in Malmesbury aangewend en daar is opgemerk dat die masjien hidrouliese olie lek en is na Bell Equipment gestuur vir 'n kwotasie en herstelwerk.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir herstelwerk aan die JCB Laaigraaf (*hydraulic hoses and hub seals*), CK 45744 deur Bell Equipments ten bedrae van R28 381.40 (BTW uitgesluit);
- (c) Dat verder kennis geneem word dat, in terme van paragraaf 2(6)(g) van die Voorsieningkanaalbestuursbeleid, dit nie nodig is om 'n formele tenderproses te volg nie, aangesien Bell Equipment die gemagtigde agent van JCB-toerusting is;
- (d) Dat die uitgawe ten bedrae van R28 381.40 (BTW uitgesluit) teen posnommer 9/4-41-2 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.15 AFWYKING VAN VOORGESKREWE VERKRYGINGSPROSEDURES: HERSTEL VAN DROMSKERM NO 2 BY THE INLAATWERKE VAN DIE MOORREESBURG WWTW (8/1/B/2)

Die Moorreensburg WWTW is toegerus met dromskerms wat verantwoordelik is om enige ongewenste materiaal/nie-biologiese afbreekbare stof, bv. metaal, houters, lappe, hout, ens uit die suiweringsproses te verwyder. Een van die dromskerms het meganiese probleme ondervind en GW Trautmann is genader vir 'n kwotasie en herstelwerk.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die dromskerm by die Moorreensburg WWTW deur G W Trautmann ten bedrae van R71 363.45 (BTW uitgesluit)
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) Die dromskerm sou vir 'n geruime tyd buite werking gelaat word indien die normale verkrygingsproses gevolg is;
 - (ii) Voormelde sou aanleiding gee tot beskadiging van meganiese toerusting;
 - (iii) Die herstel van die dromskerm is dus as 'n noodgeval hanteer;

7.15/...

- (d) Dat die uitgawe van R71 363.45 (BTW uitgesluit) teen posnommer: 9/239-677-425 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.16 AFWYKING VAN VOORGESKREWE VERKRYGINGSPROSEDURES: DRINGENDE HERSTELWERK AAN CHEMIESE DOSERINGSPOMP BY DIE ONTWERINGSAAANLEG VAN DIE DARLING WWTW (8/1/B/2)

Die verwydering van slyk uit behandelde rioolwater is deel van die tersiële prosesse by 'n rioolsuiweringswerke (WWTW). By die Darling WWTW word slyk verwyder deur middel van meganiese toerusting wat onklaar geraak het.

BESLUIT

- (a) Dat kennis geneem word van die afwyking van die voorgeskrewe verkrygingsprosedures ingevolge paragraaf 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om goedkeuring te verleen vir die herstel van die chemiese doseringspomp van die ontweringsaanleg by Darling WWTW deur G W Trautmann ten bedrae van R30 212.52 (BTW uitgesluit)
- (c) Dat die redes vir die afwyking van die voorgeskrewe verkrygingsproses soos volg aangeteken word:
 - (i) Die ontweringsaanleg sou vir 'n geruime tyd buite werking gelaat word indien die normale verkrygingsproses gevolg is;
 - (ii) Voormelde sou aanleiding gee tot oneffektiewe behandelingsprosesse, slyk verliese, swak gehalte finale uitvloeï wat nie voldoen aan die vereiste standaarde nie en wat 'n negatiewe impak op die omgewing kan hê;
 - (iii) Die herstel van die chemiese doseringspomp is dus as 'n noodgeval hanteer;
- (d) Dat die uitgawe van R30 212.52 (BTW uitgesluit) teen posnommer: 9/239-349-689 verreken word en dat daar voldoende fondse beskikbaar is;
- (e) Dat die Senior Bestuurder: Finansiële State en Batebestuur in terme van die Voorsieningkanaalbestuursbeleid opdrag gegee word om bovermelde redes as nota by die finansiële state in te sluit, wanneer die betrokke state opgestel word.

7.17 AFWYKING VAN VOORGESKREWE VERKRYGINGSPROSEDURES: HERSTEL EN TOETSING VAN "CHERRY PICKER", CK 14498 (8/1/B/2)

Die Cherry Picker, CK 14498, word deur die Elektriese Departement in Malmesbury aangewend. 'n Paar olie lekke op die hidrouliese stelsel is opgemerk en aangesien die voertuig byna gediens moes word is 'n kwotasie bekom vir die diens, herstel, toetsing en uitreiking van sertifikaat.

BESLUIT

- (a) Dat kennis geneem word van die afwyking van die voorgeskrewe verkrygingsprosedure in terme van Afdeling 36 van die Voorsieningkanaalbestuursbeleid;
- (b) Dat kennis geneem word van die aksie van die Munisipale Bestuurder om die herstel van die "Cherry Picker" CK 14498 deur Alpha Hydraulic Lifting Services ter waarde van R32 306.95 (BTW ingesluit) goed te keur;
- (c) Dat die rede vir die afwyking van die voorgeskrewe verkrygingsprosedure aangeteken word as volg:
 - (i) As gevolg van die oopmaak en kwotasie (*strip and quote*) basis is dit nie redelik om die normale verkrygingsproses te volg;

7.17(c)/...

- (ii) Die noodsaaklikheid om die toerusting weer in diens te stel om dienslewering te verseker;
- (d) Dat kennis geneem word dat die koste teen mSCOA pos 9/4-17-5 betaal is en dat daar genoeg fondse beskikbaar was om die koste van R32 306.95 (BTW ingesluit) te dek;
- (e) Dat die Senior Bestuurder: Finansiële State en Batebestuur versoek word om die bostaande redes as 'n nota tot die finansiële state by te voeg wanneer die state opgestel word.

7.18 KONSTRUKSIE VAN 'N SEKURITEITSMUUR BY DIE HIGHLANDS STORTINGS-TERREIN: GOEDKEURING VAN VERIMENT VIR BEGROTINGSTEKORT (16/4/21-8/1)

Daar is oor die afgelope twee jaar 'n toename in die onwettige betreding van die Highlands Stortingsterrein deur vullisrapers. Lede van die publiek wat gebruik maak van die stortingsterrein se veiligheid word bedreig deur die vullisrapers, en word skade aan infrastruktuur aangerig.

Die Raad het vir die 2025/2026 finansiële jaar 'n bedrag van R9 600 000 begroot vir die konstruksie van die hoë sekuriteitsmuur rondom die Highlands Stortingsterrein. Die tenders wat ingewin is, is egter heelwat hoër en is daar 'n tekort van R700 000.

BESLUIT

(op voorstel van rdh T van Essen, gesekondeer deur rdl N Smit)

- (a) Dat kennis geneem word dat met die tenderpryse wat bekend is 'n bedrag van R10 300 000 miljoen benodig word om die projek – Sekuriteitsmuur by die Highlands Stortingsterrein – te implementeer wat R700 000 meer is as die goedgekeurde begroting van R9 600 000;
- (b) Dat magtiging aan die Direkteur: Finansiële dienste verleen word om die tekort van R700 000 uit besparings elders in die kapitaalbegroting na posnommer 9/104-947-1105: *Highlands Security Wall* oor te dra ingevolge die Verimentbeleid.

(GET) J H CLEOPHAS
UITVOERENDE BURGEMEESTER